

घणी दूर से दोड़्यो थारी गाडुली के लार,  
गाड़ी में बिठाले रे बाबा,  
जाणो है नगर अंजार ॥

नरसी बोल्यो म्हारे सागे के करसी,  
ओढ़न कपडा नाही बैठसि यां मरसि,  
बूढ़ा बैल टूटेड़ी गाडी पैदल जावे हार,  
गाड़ी में बिठाले रे बाबा,  
जाणो है नगर अंजार ॥

ज्ञान दासजी कहवे गाडुली तोड़ेगा,  
ज्ञान दासजी कहवे तुमड़ा फोड़ेगा,  
घणी भीड़ में टूट जावे म्हारे ईकतारा रो तार,  
गाड़ी में बिठाले रे बाबा,  
जाणो है नगर अंजार ॥

नानी बाई रो भात देखबा चालूगो,  
पूर्ण पावलो थाली में भी डालूंगो,  
दोए चार दिन चोखा चोखा जीमूँ जीमनवाल,  
गाड़ी में बिठाले रे बाबा,  
जाणो है नगर अंजार ॥

जोड़े ऊपर बैठ हाकसूं में नारा,

थे करज्यो आराम दाबसू पग थारा,  
घणी चार के तड़के थाने पहुचा देऊँ अंजार,  
गाड़ी में बिठाले रे बाबा,  
जाणो है नगर अंजार ॥

टूटचोड़ी गाडी भी आज विमान बनी,  
नरसी गावे भजन सुने खुद श्याम धणी,  
सूर्या सगळा पीठ थपे अरेरे जीवतो रे मोटचार,  
गाड़ी में बिठाले रे बाबा,  
जाणो है नगर अंजार ॥

घणी दूर से दोड़्यो थारी गाडुली के लार,  
गाड़ी में बिठाले रे बाबा,  
जाणो है नगर अंजार ॥

Singer : Jaya Kishori Ji

Source: <https://www.bharattemples.com/ghani-dur-se-dodyo-thari-gaduli-ke-laar/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>